

09 - 04 - 2018

GJYKATA THEMELORE NË FERIZAJ-DEPARTAMENTI I PËRGJITHSHËM-DIVIZIONI PENAL, me gjyqtarin Elmaz Zenuni, dhe zyrtarin ligjor Gazmend Bytyqi, në çështjen penale kundër të akuzuarit [REDAKTUAR] nga Prishtina [REDAKTUAR], i akuzuar me aktakuzën e Prokurorisë Themelore në Ferizaj PP/II.nr.758-3/2017 të dt. 21.11.2017, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimor, pa e mbajtur shqyrtimin gjyqësor, më dt. 14.02.2018 merr:

AKTGJYKIM

APROVOHET kërkesa e Prokurorisë Themelore në Ferizaj PP/II.nr. 758-3/2017 të dt. 21.11.2017, dhe gjykata jep këtë:

URDHËR NDËSHKIMOR

I akuzuari: [REDAKTUAR] nga Prishtina [REDAKTUAR], i lindur me datë, [REDAKTUAR] në të njejtin vend, nga i ati [REDAKTUAR] e ëma [REDAKTUAR] e gjinisë [REDAKTUAR] ka të kryer shkollën fillore, me profesion bukëpjekës, shtetas i Republikës së Kosovës, mbrohet në liri.

ËSHTË FAJTOR

Sepse me datë 29.04.2017 rreth orës 22:15, në rrugën publike në fsh.Prelez i Muhaxherëve Komuna e Ferizajt, duke drejtuar automjetin e udhëtarëve të tipit "VW Passat" me targa të regjistrimit [REDAKTUAR] në kundërshtim me nenin 53 e 68 Par.1 të LRRTRR-së, pa u bindur se do të rrezikoj pjesëmarrësit e tjerë në komunikacion e duke mos përshatur shpejtësinë e lëvizjes së automjetit dhe kushteve të rrugës fillon tejkalimin dhe duke mos tentuar që përsëri të kthehet në shiritin qarkullues të drejtimit të tij me pjesën e përparme të anës së majtë të automjetit të tij e godet në pjesën e djathtë nga prapa automjetin e tipit" VW Golf" me targa të regjistrimit [REDAKTUAR] të cilin e drejtonte [REDAKTUAR]

██████████ nga fshati ██████████ Komuna e Prishtinës, ku pos dëmeve materiale në automjete lëndime trupore me pasoja të përkohëshme marrin: ██████████ e ██████████, ██████████, ██████████, ██████████ dhe ██████████ me vendbanim në fshatin ██████████ Komuna Podujevë,-

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së,

Andaj, gjykata në bazë të neneve: 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së i shqipton:

DËNIM ME GJOBË

Të akuzuarin ██████████, i shqiptoi dënimin në shumën prej 200 € (dyqind Euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimi.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarit: ██████████ e ██████████, ██████████, ██████████, ██████████, ██████████ dhe ██████████ me vendbanim në fshatin ██████████ ██████████ Komuna Podujevë, për realizimin e kërkesës pasuroro-juridike i udhëzon në kontest civil.

Obligohet i akuzuari që në emër të shpenzimeve procedurale 90.88 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përmbarimit të dhunshëm.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

A r s y e t i m

Prokuroria Themelore në Ferizaj me aktakuzën PP/II.nr. 758-3/2017 të dt. 21.11.2017, ka akuzuar [REDAKTUAR] nga Prishtina-[REDAKTUAR], për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhrin ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj veprë penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor, në vështrim të nenit 495 parag.1, 2 dhe 3 të KPPRK-së, gjeti se janë plotësuar kushtet ligjore për aprovimin e kërkesës për dhënien e urdhrin ndëshkimor.

Nga provat materiale të bashkëngjitura në shkresat e lëndës gjegjësisht konstatimin e Ekspertit mjeko ligjor i dt.26.10.2017, mendimi i Ekspertit të komunikacionit i datës 23.05.2017, raporti mjekësor nga Qendra Emergjente e Q.K.M.F. në Ferizaj me nr:022491, 022492, 022385, 022494, 022493, 022387, 022389, 022388, 022386 të dt.29.04.2017, si dhe fotografitë të cilat gjenden në shkresat e lëndës, gjykata ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata, konform nenit 463 par.1 lidhur me par 3 të KPPRK-së të dëmtuarit: [REDAKTUAR] e [REDAKTUAR], [REDAKTUAR], [REDAKTUAR], [REDAKTUAR] dhe [REDAKTUAR] me vendbanim në fshatin [REDAKTUAR] Komuna Podujevë,për realizimin e kërkesës pasuroro-juridike janë udhëzuar në kontest civil.

Konform nenit 450 par.2.6 të KPPK-së obligohet i akuzuari që në emër të shpenzimeve gjyqësore të paguaj shumën prej 90.88 Euro, si dhe paushallin gjyqësor në shumën prej 20 €, të gjitha këto në afat prej 15 ditëve nga dita e plotfuqishmërisë së këtij aktgjykimi.


Njashtu, Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ

P.nr.2943/2017, dt. 14.02.2018

**Zyrtari Ligjor
Gazmend Bytyqi**

**Gjyqtari,
Elmaz Zenuni**


UDHËZIM JURIDIK:

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtë, gjyqtarit të vetëm gjykues të kësaj gjykate, përmes kësaj gjykate.

Pas skadimit të afatit të lejuar për kundërshtim, urdhëri ndëshkimor bëhet i plotfuqishëm dhe ekzekutohet dënimi i shqiptuar.